

**LIGJ Nr.
129/2014**

**PER DISA SHTESA DHE
NDRYSHIME NE LIGJIN NR. 9901,
DATE 14.4.2008, "PER TREGTARET DHE
SHOQERITE TREGTARE",
TE NDRYSHUAR¹**

Ne mbeshtetje te neneve 78 dhe 83, pika 1, te Kushtetutes, me propozimin e Keshillit te Ministrave,
KUVENDI I REPUBLIKES SE
SHQIPERISE

VENDOSI:

Ne ligjin nr. 9901, date 14.4.2008, "Per tregtaret dhe shoqerite tregtare", te ndryshuar, behen keto shtesa dhe ndryshime:

Neni 1

Pas nenit 3 shtohet neni 3/1 me kete permbajtje:
"Neni 3/1

Shkaqet e pavlefshmerise

1. Shkaqe te pavlefshmerise se themelimit te nje shoqerie tregtare, pas regjistrimit te saj ne Qendren Kombetare te Regjistrimit (ne vazhdim QKR), jane:

a) dokumentacioni per regjistrimin fillestar te shoqerise, sipas nenit 28, te ligjit nr. 9723, date 3.5.2007, "Per Qendren Kombetare te Regjistrimit", te ndryshuar, nuk eshte hartuar ne forme shkresore;

b) mungesa e zotesise juridike per te vepruar e te gjithethe meluesve te shoqerise;

c) objekti i veprimtarise se shoqerise eshte ne kundershtrim me ligjin;

c) ne statutin e shoqerise nuk percaktohen emri i shoqerise, vlera e kontributeve te nenshkruara nga secili themelues, vlera e pergjithshme e kapitalit te nenshkruar nga te gjithethe meluesit, apo statuti nuk permban dispozita ne lidhje me objektin e shoqerise;

d) vlera e pergjithshme e kapitalit te shoqerise, nenshkruar nga te gjithethe meluesit, eshte me e ulet se vlera e kapitalit minimal, te kerkuar per shoqerine tregtare, sipas parashikimeve te ketij ligji;

dh) kapitali i nenshkruar i shoqerive aksionare nuk eshte shlyer nga themeluesit perpara regjistrimit te shoqerise ne Qendren Kombetare te Regjistrimit, ne menytrat dhe ne masen e kerkuar nga ky ligj.

2. Shkaqet e pavlefshmerise, te parashikuara ne piken 1, jane te vetmet shkaqe, te cilat sjellin

pavlefshmerine e themelimit te shoqerise, pas regjistrimit te saj ne QKR.

3. Pavlefshmeria absolute, parashikuar ne nje nga shkaqet e pikes 1, konstatohet nga gjykata dhe sjell per pasoje prishjen e shoqerise tregtare dhe hapjen e procedurave te likuidimit ne gjendjen e aftesise paguese, sipas parashikimeve te nenit 190, pika 1, ose te nenit 192, te ketij ligji, me perjashtim te rasteve kur eshte nisur nje procedure falimentimi.

4. Pavlefshmeria relative, e parashikuar ne nje nga shkaqet e pikes 1, shpallet nga gjykata. Shpallja e pavlefshmerise se themelimit te shoqerise tregtare nuk do te kete si pasoje prishjen e shoqerise dhe hapjen e procedurave te likuidimit, nese perpara vendimit gjyqesor, te permendur ne piken 3, te ketij neni, rrethana qe shkakton pavlefshmerine eshte korrigjuar, dhe ky korrigjim eshte publikuar nga shoqeria ne regjistrin tregtar, sipas parashikimeve te ligjit nr. 9723, date 3.5.2007, "Per Qendren Kombetare te Regjistrimit", te ndryshuar.

5. Gjykata qe shqyrton padine e ngritur ne lidhje me pavlefshmerine e themelimit te shoqerise tregtare, gjate te njejtis proces gjyqesor, vlereson nese rrethana, qe shkakton pavlefshmerine, eshte korrigjuar dhe publikuar sipas kerkesave te pikes 4 te ketij neni.

6. Pavlefshmeria e shoqerise tregtare, sipas parashikimeve te ketij neni, nuk mund t'u kundrejtohet paleve te treta qe kane fituar te drejta nga shoqeria pas regjistrimit te saj ne Qendren Kombetare te Regjistrimit, dhe nuk cliron themeluesit e shoqerise nga detyrimi per te paguar kontributet e nenshkruara prej tyre, te pakten deri ne vleren e nevojshme per te perballuar detyrimet e marra persiper ndaj kreditoreve.

7. Padia per te kerkuar qe shoqeria tregtare te shpallet e pavlefshme parashkruhet brenda tre vjeteve nga data e regjistrimit te shoqerise ne Qendren Kombetare te Regjistrimit. Ne cdo rast, padia e lidhur me pavlefshmerine e themelimit te shoqerise tregtare nuk mund te ngrihet pas publikimit te korrigjimit te rrethanes qe shkakton pavlefshmerine, sipas ketij neni, nese kjo rrethane mund te korrigjohet."

Neni 2

Ne nenin 11, pika 1, pas shkronjes "9" shtohet shkronja "d" me kete permbajtje:

"d) vlera e kapitalit te regjistruar te shoqerise dhe vlera e pjeses se paguar te kapitalit."

Neni 3

Ne nenin 12 behen keto ndryshime:

1. Titulli ndryshohet si me poshte:

"Kompetencat e organeve te shoqerise dhe perfaqesimi ligjor".

2. Pikat 1 dhe 2 ndryshohen si me poshte:

"1. Statuti apo vendimet e shoqerise nuk mund te ndryshojne apo te kufizojne kompetencat qe ky ligj percakton per organet e ndryshme te shoqerise tregtare. Cdo veprim, qe ka per qellim ndryshimin apo kufizimin e kompetencave te organeve te shoqerise, te cilat nuk lejohen shprehimisht, sipas ketij ligji, nuk mund t'u kundrejtohen paleve te treta

¹ Ky ligj eshte perajruar pjeserisht me: Direktiven 2009/109/KE te Parlamentit European dhe Keshillit, te dates 16 shtator 2009, qe ndryshon direktivat e Keshillit 77/91/KEE, 78/885/KEE, 82/891/KEE dhe direktiven 2005/56/KE, lidhur me kerkesat per raportim dhe dokumentim ne rastet e bashkimeve dhe ndarjeve, e ndryshuar. nr. Cexlex: 32009L0109, Fletorja Zyrtare e Bashkimit European, seria L, nr. 259, date 2.10.2009, jaqe 14—21. Direktiven 2009/101/KE te Parlamentit European dhe Keshillit, date 16 shtator 2009, mbi koordinimin e masave, te cilat per qellime te mbrojtjes se interesave te anetareve dhe te paleve te treta, dubet te zbatohen nga shoqerite e shteteve anetare, ne kuptimin e paragrafit te dyte, te nenit 48, te traktatit, dhe me qellim per t'i bere kate masa ekuivalente, e ndryshuar. nr. Cexlex: 32009L0101, Fletorja Zyrtare e Bashkimit European, seria L, nr.258, date 1.10.2009, jaqe 11—19.

edhe nese jane bere publike ne statut apo sipas menyrave te parashikuara nga ligji nr. 9723, date 3.5.2007, "Per Qendren Kombetare te Regjistrimit", te ndryshuar.

2. Shoqerite tregtare perfaqesohen ne marredheniet me te tretet nga perfaqesuesit e tyre ligjore, te cilet veprojnë ne perputhje me rregullat e percaktuara nga ky ligj dhe nga dispozitat e statutit. Perfaqesimi ligjor i shoqerise eshte i vlefshem per cdo veprim gjyqesor apo jashtegjyqesor, me perjashtim te rastit kur statuti parashikon kufizime ne tagrin e perfaqesuesit ligjor per te vepruar i vetem per disa apo per te gjitha marredheniet e shoqerise me te tretet. Perfaqesuesit ligjore mbeten te detyruar ndaj shoqerise per te zbatuar te gjitha kufizimet e tagrave te perfaqesimit ne marredheniet me te tretet, te percaktuara ne statut apo te miratuara nga organet e shoqerise. Me perjashtim te rastit kur shoqeria provon se i treti ka pasur dijeni per kufizimin e tagrit te perfaqesuesit ligjor per te vepruar i vetem per disa apo per te gjitha marredheniet e shoqerise me te tretet apo ne baze te rrethanave te qarta, nuk mund te mos kishte pasur dijeni per te, ky kufizim i tagrave te perfaqesimit mund t'u kundrejtohet paleve te treta vetem nese eshte bere publik ne menytrat e parashikuara nga ligji nr. 9723, date 3.5.2007, "Per Qendren Kombetare te Regjistrimit", te ndryshuar."

Neni 4

Ne nenin 13, pika 5 ndryshohet si me poshte: "5. Keshilli i administrimit ose keshilli mbikeqyres i shoqerise aksionare, qe ka dhene miratimin e nje veprimi, sipas pikave 2 e 3, te ketij neni, duhet qe pa vonesa, por ne cdo rast brenda 72 oreve, t'i njoftoje asamblese se pergjithshme aktin e miratimit te ketij veprimi, se bashku me kushtet e veprimit, si dhe natyren e objektin e interesit te personave te perfshire. Ne rastin e shoqerive aksionare me oferte publike, ky njoftim duhet te publikohet brenda afatit te siperpermendur edhe ne faqen e internetit te shoqerise, pavaresisht nga detyrimet e tjera per publikimin e miratimit te dhene, qe keto shoqeri mund te kene, sipas parashikimeve te ligjit nr. 9879, date 21.2.2008, "Per titujt". Brenda 6 muajve nga data e kryerjes se njoftimit per dhenien e autorizimit, sipas pikave 2 e 3, te ketij neni, asambleja e pergjithshme mund t'i kerkoje gjykates te shpalle veprimin juridik te miratuar si te pavlefshem, nese miratimi eshte dhene ne shkelje te rende te ligjit apo te statutit."

Neni 5

Neni 16 ndryshohet si me poshte:

"Neni 16

Abuzimi me detyren dhe formen e shoqerise

1. Individit, i cili gezon cilesine e ortakut, aksionarit apo perfaqesuesit te ortakut ose aksionarit, te administratorit apo te anetarit te keshillit te administrimit te shoqerise tregtare, i cili,

me veprimet apo mos veprimet e tij, i siguron vetes apo te treteve nje perfitim ekonomik te padrejte, apo i shkakton nje te treti pakesimin e pasurise me dashje, eshte pergjegjes personalisht ndaj te treteve, perfshi autoritetet publike, me pasurine e tij, per shlyerjen e detyrimeve te shoqerise kur:

a) ka abuzuar me formen dhe/ose pergjegjesine e kufizuar qe ofron shoqeria tregtare; ose

b) ka trajtuar pasurite e shoqerise tregtare si te ishin pasurite e tij/te saj personale; ose

c) ne castin kur ka marre dijeni apo duhet te kishte marre dijeni qe shoqeria nuk ka kapital te mjaftueshem per te permbushur detyrimet ndaj paleve te treta, nuk mori masat e nevojshme, te perfshira ne kompetencat e tij/te saj, sipas ketij ligji, per te mos lejuar qe, ne varesi te rrethanave, shoqeria te vazhdonte ushtrimin e veprimtarise tregtare, dhe/ose marrjen persiper te detyrimeve te reja ndaj paleve te treta, perfshire autoritetet publike.

2. Ne rastet e parashikuara ne piken 1, te ketij neni, pergjegjesia personale per detyrimet e shoqerise kufizohet deri ne vlerat e percaktuara ne vijim:

a) ne rastin e parashikuar ne shkronjen "a", te pikes 1, te ketij neni, deri ne vleren e pergjithshme te detyrimeve te papaguara te shoqerise; ose

b) ne rastin e parashikuar ne shkronjen "b", te pikes 1, te ketij neni, per detyrimet e papaguara te shoqerise, deri ne vleren e tregut te pasurise apo pasurive te shoqerise tregtare, te cilat i ka trajtuar si te ishin pasurite e tij/te saj personale; ose

c) ne rastin e parashikuar ne shkronjen "c", te pikes 1, te ketij neni, deri ne vleren e pergjithshme te detyrimeve te papaguara te shoqerise, te cilat kane lindur pas marrjes dijeni per gjendjen e parashikuar sipas shkronjes "c", te pikes 1, te ketij neni.

3. Nese nje apo me shume nga shkeljet e siperpermendura kryhen se bashku nga me shume se nje prej personave te permendur ne piken 1, te ketij neni, atehere keta persona pergjigjen ne menyre solidare ndaj te treteve, perfshi autoritetet publike.

4. Personi i percaktuar sipas pikes 1, te ketij neni, mban pergjegjesi personale ndaj paleve te treta, perfshi autoritetet publike, vetem nese kryerja e shkeljeve te percaktuara ne kete nen vertetohet me vendim gjyqesor te formes se prete.

5. Personi i percaktuar sipas pikes 1, te ketij neni, nuk mban pergjegjesi personale ndaj paleve te treta, te cilat, ne momentin e marrjes persiper te detyrimit nga shoqeria, kishin dijeni per shkeljet e percaktuara ne kete nen apo, ne baze te rrethanave te qarta, nuk mund te mos kishin dijeni per to.

6. Padia ndaj personave te percaktuar sipas pikes 1, te ketij neni, duhet te ngrihet brenda 3 vjeteve nga data e kryerjes se shkeljes."

Neni 6

Ne nenin 24, ne fjaline e dyte, fjalet "nenet 25 deri ne 36" zevendesohen me fjalet "nenet 25 deri ne 37".

Neni 7

Neni 43 ndryshohet si me poshte:

"Neni 43

Shkaqet e prishjes se shoqerise

1. Shoqeria kolektive prishet:

a) kur mbaron kohezgjatja, per te cilen eshte themeluar;

b) me perfundimin e procedurave te falimentimit apo ne rast te pamjaftueshmerise se pasurive per te mbuluar shpenzimet e procedures se falimentimit;

c) ne rast se objekti behet i parealizueshem per shkak te mosfunktionimit te vazhduar te organeve te shoqerise apo per shkaqe qe tjera qe e bejne absolutisht te pamundur vazhdimin e veprimtarise tregtare;

c) ne rastet e pavlefshmerise se themelimit te shoqerise, te parashikuara nga neni 3/1 i ketij ligji;

d) ne rastet e parashikuara sipas nenit 47, te ketij ligji;

dh) ne raste te tjera, te parashikuara ne statut;

e) ne raste te tjera, te parashikuara me ligj;

e) me vendim te ortakeve.

2. Prishja e shoqerise, si pasoje e nje apo me shume prej shkaqeve te parashikuara nga shkronjat "a", "c", "d", "dh" dhe "e", te pikes 1, te ketij neni, vendoset nga shumica e ortakeve, ndersa ne rastin e parashikuar sipas shkronjes "e", te pikes 1, te ketij neni, eshte i nevojshem nje vendim unanim i ortakeve.

3. Ne rast mosveprimi te ortakeve per te vendosur prishjen e shoqerise, per rastet e parashikuara nga shkronjat "a", "c", "d", "dh" dhe "e", te pikes 1, te ketij neni, cdo person i interesuar mund t'i drejtohet gjykates, ne cdo kohe, per te konstatuar prishjen e shoqerise.

4. Pavaresisht nga parashikimet e siper-permendura, ekzistenca e nje a me shume prej shkaqeve te parashikuara nga shkronjat "a", "c", "d", "dh" dhe "e", te pikes 1, te ketij neni, nuk do te kete si pasoje prishjen e shoqerise dhe hapjen e procedurave te likuidimit, nese perpara vendimit gjyqesor te formes se prere, te permendur ne piken 3, te ketij neni, shkak i prishjes eshte korrigjuar, nese eshte e mundshme te korrigjohet, dhe korrigjimi eshte publikuar nga shoqeria ne regjistrin tregtar, sipas parashikimeve te ligjit nr. 9723, date 3.5.2007, "Per Qendren Kombetare te Regjistrimit", te ndryshuar.

5. Prishja e shoqerise, si pasoje e shkaqeve te parashikuara ne shkronjen "b", te pikes 1, te ketij neni, vendoset nga gjykata kompetente per procedurat e falimentimit, kur, ne perfundim te ketyre procedurave, te gjitha pasurite e shoqerise jane likuiduar per shlyerjen ne menyre kolektive te detyrimeve ndaj kreditorëve apo kur gjykata kompetente per procedurat e falimentimit vendos rrezimin e kerkeses per hapjen e procedures se falimentimit, per shkak te pamjaftueshmerise se pasurise se shoqerise per te mbuluar shpenzimet e procedures se falimentimit.

6. Prishja e shoqerise, si pasoje e rasteve te parashikuara ne shkronjen "c", te pikes 1, te ketij neni, vendoset nga gjykata kompetente, sipas parashikimeve te nenit 3/1 te ketij ligji."

Neni 8

Ne nenin 68, pika 2 ndryshohet si me poshte: 2. Kapitali i shoqerise me pergjegjesi te kufizuar ndahet ne nje numer kuotash, ne raport me kontributin dhene nga cdo ortak ne shoqeri. Cdo ortak zoteron nje kuote te vetme ne shoqeri. Bashkezoteruesit e nje kuote, sipas nenit 72, te ketij ligji, gezojne cilesine si nje ortak i vetem."

Neni 9

Ne nenin 71, pika 1 ndryshohet si me poshte: "1. Nese shoqeria mbetet me nje ortak, atehere ortaku i vetem detyrohet ta regjistroje kete fakt, sipas nenit 43, te ligjit nr. 9723, date 3.5.2007, "Per Qendren Kombetare te Regjistrimit", te ndryshuar. Nese ortaku i mbetur nuk permbush kete detyrim, atehere ortaku pergjigjet personalisht per detyrimet qe shoqeria merr persiper nga data ne te cilen duhet te ishte kryer regjistrimi, sipas ketij neni, deri ne daten ne te cilen ky regjistrim u krye efektivisht."

Neni 10

Ne nenin 73, pika 2 ndryshohet si me poshte: "2. Ne rastet e kalimit te kuotave me kontrate, kushtet dhe momenti i kalimit te titullit te pronesise mbi kuoten, si dhe kushtet e tjera te kalimit, perfshire momentin e pageses se cmimit, rregullohen nga kontrata. Kontrata per kalimin e kuotes hartohet ne forme shkresore dhe noterizimi nuk perben kusht per vlefshmerine apo regjistrimin e kontrates. Me perjashtim te rasteve kur parashikohet shprehimisht ndryshe nga ligji apo kur palet bien dakord ne kontrate, vlefshmeria e kalimit te titullit te pronesise mbi kuotat nuk do te kushtezohet nga kryerja e formaliteteve te ndryshme me efekt deklarativ, perfshi ketu formalitetet e regjistrimit ose te publikimit te kontrates apo te kalimit te titullit."

Neni 11

Ne nenin 77 behen ndryshimi dhe shtesa e meposhtme:

1. Pika 3 ndryshohet si me poshte: "3. Kerkesat e pikave 1 dhe 2, te ketij neni, zbatohen gjithashtu ne rastet kur, pavaresisht nga dhenia e miratimeve te nevojshme, sipas nenit 13, te ketij ligji, shoqeria do te kryeje nje pagese ne favor te nje prej ortakeve te saj, ne baze te nje

marrevshjeje te lidhur mes shoqerise dhe ortakut, e cila permban kushte me pak te favorshme per shoqerine, ne krahasim me kushtet normale te tregut."

2. Pas pikes 3 shtohet pika 4 me kete permbajtje:

"4. Administratoret pergjigjen ndaj shoqerise per vertetesine e certifikates se aftesise pagueuse qe duhet te leshohet sipas ketij neni."

Neni 12

Ne nenin 85, pika 3 ndryshohet si me poshte: "3. Autorizimi jepet ne forme shkresore vetem per nje mbledhje te asamblese se pergjithshme dhe eshte i vlefshem edhe per mbledhjet vijuese me te njejtin rend dite."

Neni 13

Ne nenin 88, pika 1 ndryshohet si me poshte: "1. Me perjashtim te rasteve kur parashikohet ndryshe ne statut, cdo ortak ka te drejta vote ne perpjesetim me vleren nominale te kuotes se tij. Bashkezoteruesit e nje kuote ushtrojne te drejtat e votes bashkerisht, sipas nenit 72 te ketij ligji."

Neni 14

Ne nenin 92, pikat 1 dhe 2 ndryshohen si me poshte:

"1. Asambleja e pergjithshme, ne baze te nje vendimi te marre me shumicen e percaktuar sipas pikes 2, neni 87, te ketij ligji, ka te drejte te ngreje padi perpara gjykates kompetente per shfuqizimin e vendimeve te administratoreve, si pasoje e shkeljes se rende te ligjit ose te statutit dhe/ose padi te tjera qe parashikon ky ligj ose statuti ndaj administratoreve apo ortakeve.

2. Ortaket, te cilet perfaqesojne te pakten 5 per qind te totalit te votave ne asamblene e shoqerise ose nje vlere me te vogel, te parashikuar ne statut, dhe/ose kreditorët e shoqerise, te cilet pretendojne se shoqeria ka ndaj tyre detyrime ne nje vlere jo me te vogel se 5 per qind te kapitalit, mund t'i kerkojne asamblese se pergjithshme ngritjen e padise per shfuqizimin e vendimeve te administratoreve. Ortaket apo kreditorët e shoqerise se percaktuar me siper, brenda 30 diteve pas refuzimit nga asambleja per ngritjen e padise, kane te drejte te ngrene drejtperdrejt, perpara gjykates kompetente, padi ne emer te shoqerise, per shfuqizimin e vendimit te administratoreve. Nese asambleja e pergjithshme nuk merr nje vendim, brenda 60 diteve nga data e kerkeses, kerkesa e ortakeve apo kreditorëve te percaktuar me siper vleresohet e refuzuar."

Neni 15

Ne nenin 95 behen ndryshimi dhe shtesa e meposhtme:

1. Ne piken 1, fjalia e trete ndryshohet si me poshte:

"Emerimi i administratoreve, i cili hyn ne fuqi ne daten e percaktuar sipas aktit te emerimit, u kundrejtohet paleve te treta sipas percaktimeve te nenit 12 te ketij ligji."

2. Pas pikes 6 shtohen pikat 7, 8 dhe 9 me kete permbajtje:

"7. Administratori mund te heqe dore ne cdo kohe nga detyra e tij, nepermjet nje njoftimi me shkrim drejtuar asamblese se pergjithshme. Administratori, qe jep doreheqjen, duke pasur parasysh rrethanat e veprimtarise se shoqerise, eshte gjithashtu i detyruar te therrase asamblene e pergjithshme per emerimin e administratorit te ri, perpara dates ne te cilen doreheqja te hyje ne fuqi.

8. Nese asambleja e pergjithshme nuk vendos emerimin e administratorit te ri ne daten e percaktuar ne thirrjen e kryer nga administratori i dorehequr, atehere administratori i njofton me shkrim doreheqjen Qendres Kombetare te Regjistrimit, se bashku me kopjen e thirrjes se mbledhjes se asamblese se pergjithshme dhe Qendra Kombetare e Regjistrimit regjistron largimin e administratorit, sipas procedurave te ligjit nr. 9723, date 3.5.2007, "Per Qendren Kombetare te Regjistrimit", te ndryshuar.

9. Doreheqja e administratorit nuk cenon padite e shoqerise per shkelje te detyrimit te besnikerise qe administratori ka ndaj saj, sipas ketij ligji."

Neni 16

Neni 99 ndryshohet si me poshte:

"Neni 99 **Shkaqet e prishjes se shoqerise**

1. Shoqeria me pergjegjesi te kufizuar prishet:

a) kur mbaron kohezgjatja, per te cilen eshte themeluar;

b) me perfundimin e procedurave te falimentimit apo ne rast te pamjaftuesmerise se pasurive per te mbuluar shpenzimet e procedurave se falimentimit;

c) ne rast se objekti behet i pareali-zueshem per shkak te mosfungsionimit te vazhduar te organeve te shoqerise apo per shkaqe te tjera qe e bejne absolutisht te pamundur vazhdimin e veprimtarise tregtare;

c) ne rastet e pavlefshmerise se themelimit te shoqerise, te parashikuara nga neni 3/1 i ketij ligji;

d) ne raste te tjera, te parashikuara ne statut;

dh) ne raste te tjera, te parashikuara me ligj;

e) per cdo shkak tjeter te vendosur nga asambleja e ortakeve.

2. Prishja e shoqerise, si pasoje e nje apo me shume prej shkaqeve te percaktuara ne shkronjat "a", "c", "d", "dh" dhe "e", te pikes 1, te ketij neni, vendoset nga asambleja e ortakeve me shumicen e parashikuar sipas pikes 1, te nenit 87, te ketij ligji.

3. Ne rast mosveprimi te asamblese se ortakeve per te vendosur prishjen, per shkaqet e percaktuara ne shkronjat "a", "c", "d", dhe "dh", te pikes 1, te ketij neni, cdo person i interesuar mund, ne cdo kohe, t'i drejtohet gjykates per te konstatuar prishjen e shoqerise.

4. Pavaresisht nga parashikimet e siperpermendura, ekzistenca e nje a me shume shkaqeve, te parashikuara nga shkronjat "a", "c",

"d", "dh" dhe "e", te pikes 1, te ketij neni, nuk do te kete si pasoje prishjen e shoqerise dhe hapjen e procedurave te likuidimit, nese perpara vendimit gjyqesor te formes se prere, te permendur ne piken 3, te ketij neni, shkaku i prishjes eshte korrigjuar, nese eshte e mundshme te korrigjohet, dhe ky korrigjim eshte publikuar nga shoqeria ne regjistrin tregtar, sipas parashikimeve te ligjit nr. 9723, date 3.5.2007, "Per Qendren Kombetare te Regjistrimit", te ndryshuar.

5. Prishja e shoqerise, si pasoje e shkaqeve te parashikuara ne shkronjen "b", te pikes 1, te ketij neni, vendoset nga gjykata kompetente per procedurat e falimentimit, kur, ne perfundim te ketyre procedurave, te gjitha pasurite e shoqerise jane likuiduar per shlyerjen ne menyre kolektive te detyrimeve ndaj kreditoreve apo kur gjykata kompetente per procedurat e falimentimit vendos rrezimin e kerkeses per hapjen e procedures se falimentimit per shkak te pamjaftueshmerise se pasurise se shoqerise per te mbuluar shpenzimet e procedures se falimentimit.

6. Prishja e shoqerise si pasoje e shkaqeve te parashikuara ne shkronjen "c", te pikes 1, te ketij neni, vendoset nga gjykata kompetente, sipas parashikimeve te nenit 3/1 te ketij ligji."

Neni 17

Ne nenin 112, pas pikes 5 shtohet pika 6 me kete permbajtje:

"6. Raporti i vleresimit, i permendur ne paragrafet e mesiperem, nuk eshte i detyrueshem ne rastet vijuese:

a) shoqeria themelohet ne vijim te nje bashkimi apo ndarjeje dhe raporti i vleresimit te eksperteve, te percaktuar sipas nenit 217, te ketij ligji, eshte hartuar;

b) ne rastin e nje zmadhimi kapitali, te kryer ne kuader te bashkimit apo ndarjes, me qellim pagimin e aksionareve te shoqerive qe perthithen apo ndahen, dhe nese raporti i vleresimit te eksperteve te percaktuar sipas nenit 217, te ketij ligji, eshte hartuar;

c) ne rastin e nje zmadhimi kapitali, te kryer ne kuadrin e nje oferte per marrje ne kontroll, me objekt blerjen apo shkembimin e aksioneve, me qellim pagimin e aksionareve te shoqerise, e cila eshte objekt i ofertes publike per marrje ne kontroll."

Neni 18

Ne nenin 113, pika 2 ndryshohet si me poshte:

"2. Aksionet e nenshkruara me kontribut ne natyre duhet te paguhen teresisht perpara regjistrimit, nepermjet kalimit ne favor te shoqerise te titullit te pronesise se kontributit ne natyre. Nese, sipas ligjit, kerkohet kryerja e formaliteteve te posacme per regjistrimin e kalimit te titullit te pronesise te kontributit ne natyre, keto formalitete kryhen nga perfaqesuesit ligjore te shoqerise. Kontributi ne natyre do te konsiderohet i paguar ne castin kur aksionari te kete kryer te gjitha veprimet dhe te kete nenshkruar te gjitha aktet e kerkuara nga ligji per kalimin e titullit te pronesise se kontributit ne emer te shoqerise."

Neni 19

Ne nenin 114, pika 2 ndryshohet si me poshte:

"2. Nese shoqeria mbetet me nje aksionar, atehere aksionari i vetem detyrohet ta regjistroje kete fakt sipas nenit 43, te ligjit nr. 9723, date 3.5.2007, "Per Qendren Kombetare te Regjistrimit", te ndryshuar. Nese aksionari i mbetur nuk e permbush kete detyrim, atehere aksionari pergjigjet personalisht per detyrimet qe shoqeria merr persiper nga data, ne te cilen duhet te ishte kryer regjistrimi, sipas ketij neni, deri ne daten ne te cilen ky regjistrim u krye efektivisht."

Neni 20

Ne nenin 117, pas pikes 2 shtohet pika 3 me kete permbajtje:

"3. Ne rastet e kalimit te aksioneve me kontrate, kushtet dhe momenti i kalimit te titullit te pronesise mbi aksionin, si dhe kushtet e tjera te kalimit, perfshi momentin e pageses se cmimit, rregullohen nga kontrata. Kontrata per kalimin e aksionit hartohet ne forme shkresore dhe noterizimi nuk perben kusht per vlefshmerine apo regjistrimin e kontrates. Transaksionet ne forme elektronike, sipas parashikimeve te ligjit nr. 9879, date 21.2.2008, "Per titujt", konsiderohen te kryera ne forme shkresore ne perputhje me parashikimet e ketij neni. Me perjashtim te rasteve kur parashikohet shprehimisht ndryshe nga ligji apo kur palet bien dakord ne kontrate, vlefshmeria e kalimit te titullit te pronesise mbi aksionet nuk do te kushtezohet nga kryerja e formaliteteve te ndryshme me efekt deklarativ, perfshi ketu formalitetet e regjistrimit a publikimit te kontrates apo te kalimit te titullit."

Neni 21

Ne nenin 133, pas pikes 5 shtohet pika 6 me kete permbajtje:

"6. Aksionet e nje shoqerie qe zoterohen nga nje shoqeri tjetere, e cila, ne momentin e fitimit te tyre, nuk ishte, por behet ne vijim shoqeri e kontrolluar, duhet qe, ne menyre alternative, te shiten nga shoqeria e kontrolluar apo te anulohen nga shoqeria meme, brenda nje viti nga data ne te cilen eshte krijuar mes tyre marredhenia shoqeri meme - shoqeri e kontrolluar sipas ketij ligji."

Neni 22

Ne nenin 140, pika 3 ndryshohet si me poshte: "3. Autorizimi jepet ne forme shkresore vetem per nje mbledhje te asamblese se pergjithshme dhe eshte i vlefshem edhe per mbledhjet vijuese me te njejtin rend dite."

Neni 23

Ne nenin 151, pikat 1 dhe 2 ndryshohen si me poshte:

"1. Asambleja e pergjithshme, ne baze te nje vendimi te marre me shumicen e percaktuar sipas pikes 2, te nenit 145, te ketij ligji, ka te drejte te ngreje padi perpara gjykates kompetente per shfuqizimin e

vendimeve te administratoreve e, sipas rastit, te keshillit te administrimit apo keshillit mbikeqyres dhe/ose per ngritjen e padive te tjera, qe parashikon ky ligj ose statuti ndaj administratoreve apo anetareve te keshillit te administrimit a keshillit mbikeqyres.

2. Aksionaret, te cilet perfaqesojne te pakten 5 per qind te totalit te votave ne asamblene e shoqerise ose nje vlere me te vogel, te parashikuar ne statut, dhe/ose kreditoret e shoqerise, te cilet pretendojne se shoqeria ka ndaj tyre detyrime ne nje vlere jo me te vogel se 5 per qind te kapitalit, mund t'i kerkojne asamblese se pergjithshme ngritjen e padise per shfuqizimin e vendimeve te administratoreve ose anetareve te keshillit te administrimit apo keshillit mbikeqyres. Aksionaret apo kreditoret e shoqerise se percaktuar me siper, brenda 30 diteve pas refuzimit nga asambleja per ngritjen e padise, kane te drejte te ngrene drejtperdrejt perpara gjykates kompetente padi ne emer te shoqerise per shfuqizimin e vendimit te administratoreve. Nese asambleja e pergjithshme nuk merr nje vendim, brenda 60 diteve nga data e kerkeses, kerkesa e ortakeve apo kreditoreve te percaktuar me siper vleresohet e refuzuar."

Neni 24

Ne nenin 157 behen ndryshimi dhe shtesat e meposhtme:

1. Titulli i nenit ndryshohet si me poshte:

"Shkarkimi dhe doreheqja".

2. Pas pikes 3 shtohen pikat 4, 5 dhe 6 me kete permbajtje:

"4. Anetari i keshillit te administrimit mund te heqe dore ne cdo kohe nga detyra e tij, nepermjet nje njoftimi me shkrim drejtuar asamblese se pergjithshme. Anetari i keshillit te administrimit qe jep doreheqjen, duke pasur parasysh rrethanat e veprimtarise se shoqerise, eshte gjithashtu i detyruar te therrase asamblene e pergjithshme per emerimin e anetarit te ri te ketij keshilli, perpara dates kur doreheqja te hyje ne fuqi.

5. Nese asambleja e pergjithshme nuk vendos emerimin e anetarit te ri te keshillit te administrimit ne daten e percaktuar ne thirrjen e kryer nga anetari i dorehequr, atehere administratori apo, ne mungese apo mosveprim te tij, anetari i dorehequr, i njofton me shkrim doreheqjen Qendres Kombetare te Regjistrimit, se bashku me kopjen e thirrjes se mbledhjes se asamblese se pergjithshme, dhe Qendra Kombetare te Regjistrimit regjistron largimin e anetarit te keshillit te administrimit, sipas procedurave te ligjit nr. 9723, date 3.5.2007, "Per Qendren Kombetare te Regjistrimit", te ndryshuar.

6. Doreheqja e anetarit te keshillit te administrimit nuk cenon padite e shoqerise per shkelje te detyrimit te besnikerise qe anetari ka ndaj saj, sipas ketij ligji."

Neni 25

Ne nenin 158 behen ndryshimi dhe shtesa e meposhtme:

1. Ne piken 1, fjalia e katert ndryshohet si me poshte:

"Emerimi i administratoreve hyn ne fuqi ne daten e percaktuar sipas aktit te emerimit. Emerimi mund t'u kundrejtohet paleve te treta, sipas parimeve te nenit 12 te ketij ligji."

2. Pas pikes 7 shtohen pikat 8, 9, 10 dhe 11 me kete permbajtje:

"8. Administratori, i cili nuk eshte anetar i keshillit te administrimit, mund te heqe dore ne cdo kohe nga detyra e tij, nepermjet nje njoftimi me shkrim drejtuar ketij keshilli. Administratori, duke pasur parasysh rrethanat e veprimtarise se shoqerise, duhet te percaktojte ne njoftimin e shkruar daten ne te cilen doreheqja hyn ne fuqi.

9. Nese keshilli i administrimit nuk vendos emerimin e administratorit te ri perpara dates, ne te cilen doreheqja hyn ne fuqi, atehere administratori i njofton me shkrim doreheqjen Qendres Kombetare te Regjistrimit, e cila regjistron largimin e administratorit, sipas procedurave te ligjit nr. 9723, date 3.5.2007, "Per Qendren Kombetare te Regjistrimit", te ndryshuar.

10. Doreheqja e administratorit nuk cenon padite e shoqerise per shkelje te detyrimeve te besnikerise qe administratori ka ndaj saj, sipas ketij ligji.

11. Ne rastet kur administratori eshte njekohesisht anetar i keshillit te administrimit apo kur, sipas pikes 2, te nenit 167, administratori emerohet nga asambleja e pergjithshme, dispozitat e mesiperme te ketij neni, ne lidhje me doreheqjen e administratorit, nuk zbatohen dhe doreheqja kryhet sipas pikave 4, 5 dhe 6, te neni 157, te ketij ligji."

Neni 26

Ne nenin 169, pika 2, fjalet "sipas nenit 113 te ketij ligji," zevendesohen me fjalet "sipas nenit 112 te ketij ligji."

Neni 27

Neni 175 ndryshohet si me poshte:

"Neni 175

Kushtet per zmadhimin e kufizuar te kapitalit

1. Asambleja e pergjithshme mund te vendose qe zmadhimi i kapitalit te kryhet me emetim te aksioneve te reja, te cilat mund t'u ofrohen per nenshkrim vetem aksionareve ekzistues, ne perpjesetim me aksionet e zoteruara prej tyre perpara rritjes se kapitalit apo duke rritur vleren nominale te secilit aksion.

2. Me perjashtim te rastit kur rritja e vleres nominale te secilit aksion vendoset te realizohet me perfshirjen e aktiveve te shoqerise, sipas nenit 177, te ketij ligji, zmadhimi i kufizuar i kapitalit, ne rastet e parashikuara sipas pikes 1, te ketij neni, mund te

kryhet vetem me miratimin unanim te te gjithë aksionareve."

Neni 28

Ne nenin 176, pika 1 ndryshohet si me poshte:

"1. Statuti ose nje vendim i asamblese se pergjithshme per ndryshime ne statut mund t'u jape administratoreve te drejten per te kryer nje apo disa here, brenda nje afati 5-vjecar, perkatesisht, nga regjistrimi i shoqerise apo nga vendimi i asamblese, zmadhim te kapitalit me emetim te aksioneve te reja, per nje vlere maksimale te percaktuar (kapital i autorizuar)."

Neni 29

Neni 187 ndryshohet si me poshte:

"Neni 187

Shkaqet e prishjes se shoqerise

1. Shoqeria aksionare prishet:

a) kur mbaron kohezgjatja, per te cilen estate themeluar;

b) me perfundimin e procedurave te falimentimit apo ne rast te pamjaftueshmerise se pasurive per te mbuluar shpenzimet e procedures se falimentimit;

c) ne rast se objekti behet i parealizueshem per shkak te mosfunksionimit te vazhduar te organeve te shoqerise apo per shkaqe te tjera qe e bejne absolutisht te pamundur vazhdimin e veprimtarise tregtare;

c) ne rastet e pavlefshmerise se themelimit te shoqerise, te parashikuara nga neni 3/1 i ketij ligji;

d) kur, si pasoje e humbjeve ushtrimore, kapitalet e veta te shoqerise jane ne vlere me te ulet se vlere minimale e kapitalit te regjistruar, te percaktuar sipas nenit 107, te ketij ligji, apo kur vendoset zvogelimi i kapitalit te regjistruar te shoqerise nen kete vlere minimale dhe hyrja ne fuqi e ketij zvogelimi nuk kushtezohet me realizimin e nje zmadhimi vijues, nepermjet te cilit shoqeria te rikapitalizohet me kontribute te reja me vlere, te pakten, sa vlere e nevojshme per te arritur kapitalin minimal te percaktuar sipas atij neni;

dh) ne raste te tjera, te parashikuara ne statut;

e) ne raste te tjera, te parashikuara me ligj;

e) per cdo shkak tjetër te vendosur nga asambleja e aksionareve.

2. Prishja e shoqerise si pasoje e nje apo me shume prej shkaqeve te percaktuara ne perputhje me shkronjat "a", "c", "d", "dh", "e" dhe "e", te pikes 1, te ketij neni, vendoset nga asambleja e aksionareve me shumicen e parashikuar sipas pikes 1, te nenit 145, te ketij ligji.

3. Ne rast mosveprimi te asamblese se aksionareve per te vendosur prishjen, sipas rasteve te parashikuara nga shkronjat "a", "c", "d", "dh" dhe "e", te pikes 1, te ketij neni, cdo person i interesuar

mund t'i drejtohet gjykates, ne cdo kohe, per te konstatuar prishjen e shoqerise.

4. Pavaresisht nga parashikimet e siperper-mendura, ekzistenca e nje a me shume shkaqeve te parashikuara nga shkronjat "a", "c", "d", "dh" dhe "e", te pikes 1, te ketij neni, nuk do te kete si pasoje prishjen e shoqerise dhe hapjen e procedurave te likuidimit, nese perpara vendimit gjyqesor te formes se prere, te permendur ne piken 3, te ketij neni, shkaku i prishjes eshte korrigjuar, nese eshte e mundshme te korrigjohet, dhe ky korrigjim eshte publikuar nga shoqeria ne regjistrin tregtar, sipas parashikimeve te ligjit nr. 9723, date 3.5.2007, "Per Qendren Kombetare te Regjistrimit", te ndryshuar.

5. Prishja e shoqerise, si pasoje e shkaqeve te parashikuara ne shkronjen "b", te pikes 1, te ketij neni, vendoset nga gjykata kompetente per procedurat e falimentimit, kur, ne perfundim te ketyre procedurave, te gjitha pasurite e shoqerise jane likuiduar per shlyerjen ne menyre kolektive te detyrimeve ndaj kreditorëve apo kur gjykata kompetente per procedurat e falimentimit vendos rrezimin e kerkeses per hapjen e procedures se falimentimit per shkak te pamjaftueshmerise se pasurise se shoqerise per te mbuluar shpenzimet e procedures se falimentimit.

6. Prishja e shoqerise, si pasoje e shkaqeve te parashikuara ne shkronjen "c", te pikes 1, te ketij neni, vendoset nga gjykata kompetente, sipas parashikimeve te nenit 3/1 te ketij ligji."

Neni 30

Ne nenin 190, pika 1 ndryshohet si me poshte:

"1. Me perjashtim te rasteve kur ky ligj parashikon ndryshe, prishja e shoqerive tregtare ka si pasoje hapjen e procedurave te likuidimit ne gjendjen e aftesise paguese. Nese shoqeria eshte ne gjendjen e paaftesise paguese, ajo prishet ne baze te vendimeve te percaktuara nga pika 5 e nenit 43, pika 5 e nenit 99, dhe pika 5 e nenit 187, te ketij ligji, dhe cregjistrohet nga regjistri tregtar, sipas nenit 51, te ligjit nr. 9723, date 3.5.2007, "Per Qendren Kombetare te Regjistrimit", te ndryshuar, pa iu nenshtuar procedurave te likuidimit ne gjendjen e aftesise paguese."

Neni 31

Ne nenin 197, pika 3, fjalet "nese, ne baze te padive te ngritura nga kreditorët, sipas nenit 194 te ketij ligji," zevendesohen me fjalet "nese, ne baze te pretendimeve te ngritura nga kreditorët, sipas nenit 195 te ketij ligji."

Neni 32

Ne nenin 199, pika 1 ndryshohet si me poshte:

"1. Likuiduesi nuk mund te shperndaje aktivet e mbetura te shoqerise perpara perfundimit te afatit te depozitimit te pretendimeve te kreditorëve, te percaktuar sipas nenit 195 te ketij ligji."

Neni 33

Ne nenin 203, pika 2, ne fjaline e fUndit, fjalet "kreditorët, të cilët nuk kanë depozituar pretendimet e tyre në afat, sipas nenit 194" zëvendësohen me fjalet "kreditorët, të cilët nuk kanë depozituar pretendimet e tyre në afat, sipas nenit 195".

Neni 34

Neni 205 ndryshohet si më poshtë: "Neni 205
Regjistrimi pas likuidimit të thjeshtezuar

Pas shpërndarjes së aktiveve të mbetura në vijim të procedurës së likuidimit të thjeshtezuar, administratori njofton Qendrën Kombëtare të Regjistrimit për perfundimin e likuidimit dhe kërkon regjistrimin e shoqërisë, në përputhje me nenin 49, të ligjit nr. 9723, datë 3.5.2007, "Për Qendrën Kombëtare të Regjistrimit", të ndryshuar."

Neni 35

Neni 216 ndryshohet si më poshtë:

"Neni 216 **Marreveshja dhe raporti i bashkimit**

1. Përfaqësuesit ligjorë të shoqërive, të cilat marrin pjesë në bashkim, hartojnë një projektmarreveshje me shkrim, ku përcaktohen të pakten:

a) forma, emrat e regjistruar dhe selite e shoqërive që marrin pjesë në bashkim;

b) raporti i kembimit të kuotave apo aksioneve dhe gdo shume e pagueshme në para;

c) kushtet e ndarjes së kuotave apo aksioneve të shoqërisë përthithese;

c) data, duke nisur nga e cila zoteruesit e këtyre kuotave apo aksioneve kanë të drejtë të marrin pjesë në ndarjen e fitimit, si dhe çdo kusht i posaçëm që ndikon në ushtrimin e kesaj të drejte;

d) data, duke nisur nga e cila veprimet e shoqërisë që përthithet do të trajtohen nga pikepamja kontabel si veprime të shoqërisë përthithese;

dh) të drejtat që shoqëria përthithese u njeh zoteruesve të kuotave, aksioneve, të drejtat e vecanta apo titujt e ndryshëm nga aksionet e shoqërive të përthithura apo çdo masë tjetër e parashikuar në lidhje me ta;

e) përparësitë e vecanta, që u jepen administratorëve, anëtarëve të keshillit të administrimit, keshillit mbikëqyres apo ekspertëve kontabel të autorizuar;

e) pasojat që bashkimi do të ketë ndaj punëmarresve e përfaqësuesve të tyre, si dhe masat e propozuara për to.

2. Përfaqësuesit ligjorë të secilës prej shoqërive, që marrin pjesë në bashkim, hartojnë një raport të hollësishëm, ku shpjegohet marreveshja e bashkimit dhe përshkruhen bazat ligjore dhe ekonomike për të e, në vecanti, raporti i kembimit të aksioneve, kuotave apo të drejtave të vecanta. Në raport përshkruhen edhe vështirësitë e vecanta të vlerësimit, të cilat janë hasur. Raporti duhet të përshkruajë edhe pasojat e këtij bashkimi mbi punëmarresit e shoqërive pjesëmarrëse.

3. ^do shoqëri, që merr pjesë në bashkim, jo më vonë se 1 muaj përpara datës së caktuar për mbledhjen e asamblesë, për vendimin e përcaktuar në nenin 218 të këtij ligji, depoziton pranë Qendrës Kombëtare të Regjistrimit dhe publikon në faqen e internetit të shoqërisë, nëse ka, projektmarreveshjen dhe raportin e bashkimit, sipas pikës 2 të këtij neni. Pasqyrat financiare vjetore, raportet e ecurisë së veprimtarisë e dokumentet publikohen në mënyrë të detyrueshme për të paktën tri vitet e fundit.

4. Shoqëritë, që përmbushin kërkesën e pikës 3, të nenit 214, të këtij ligji, por që kanë qene të regjistruara për më pak se tre vjet, paraqesin dokumentacionin sipas pikës 3, të këtij neni, vetëm për vitet që kanë qene të regjistruara.

5. Nëse viti i fundit ushtrimor, të cilit i referohen pasqyrat financiare, të përmendura në pikat 3 ose 4, të këtij neni, është mbyllur në një datë e cila është më e hershme se gjashtë muaj përpara datës së hartimit të projektmarreveshjes së bashkimit, atëherë, me përjashtim të rastit kur sipas ligjit nr. 9879, datë 21.2.2008, "Për titujt", shoqëria ka hartuar dhe u ka vënë në dispozicion aksionarëve raporte financiare gjashtëmujore, shoqëria harton gjithashtu pasqyra kontabel për gjendjen e shoqërisë në një datë, e cila nuk duhet të jetë më e hershme se dita e parë e muajit të tretë përpara datës së hartimit të projektmarreveshjes së bashkimit dhe i publikon ato sipas pikës 3 të këtij neni.

6. Përfaqësuesit ligjorë të secilës shoqëri pjesëmarrëse në bashkim duhet të njoftojnë asamblesën e përgjithshme të shoqërisë së tyre, si dhe organet e administrimit të shoqërive të tjera që marrin pjesë në bashkim, me qëllim njoftimin e asambleve të përgjithshme të shoqërive përkatëse në lidhje me çdo ndryshim thelbësor në aktivet dhe pasivet e shoqërisë, nga data në të cilën është hartuar projektmarreveshja e bashkimit, deri në datat e caktuara për mbledhjet e asambleve të përgjithshme që do të vendosin mbi miratimin e projektmarreveshjes së bashkimit.

7. Detyrimi për hartimin e raportit të përmendur në pikën 2, të pasqyrave kontabel të përmendura në pikën 5, si dhe të njoftimit sipas pikës 6, të këtij neni, mund të përjashtohet me miratimin e të gjithë ortakeve/aksionarëve me të drejtë vote të shoqërive pjesëmarrëse në bashkim."

Neni 36

Në nenin 217, pika 2, pas shkronjës "c" shtohet shkronja "c" me këte përmbajtje:

"c) në rastin e një zmadhimi kapitali, të kryer në kuader të bashkimit apo ndarjes, me qëllim pagimin e aksionarëve të shoqërive që përthithen apo ndahen, raporti i vlerësimit duhet të përmbajë një përshkrim të hollësishëm të kontributeve në natyrë, si dhe në të duhet të përcaktohen metodat e vlerësimit që janë zbatuar dhe të shprehet nëse vlera e llogaritur sipas kesaj metode i korrespondon të paktën vlerësimit nominal të aksionit dhe, kur është rasti, edhe primit me të lartë të emetimit të aksionit."

Neni 37

Ne nenin 218 behen ndryshimi dhe shtesa e meposhtme:

1. Pika 3 ndryshohet si me poshte: "3. Secili aksionar apo ortak i shoqerive, qe marrin pjese ne bashkim, ka te drejte te kerkoje e te marre nga shoqeria, pa pagese, kopje te plote apo te pjesshme te dokumenteve, ne baze te te cilave kryhet bashkimi, sipas neneve 216 dhe 217. Nese aksionari apo ortaku ka pranuar kryerjen e njoftimeve nga shoqeria ne forme elektronike, keto dokumente mund t'i dergohen me poste elektronike."

2. Pas pikes 3 shtohet pika 4 me kete permbytje:

"4. Shoqeria do te perjashtohet nga detyrimi per te mbajtur ne dispozicion ne seline e saj dokumentacionin qe duhet t'u jepet ortakeve apo aksionareve, sipas pikes 3, nese per nje periudhe te panderprere, e cila nis nje muaj perpara dates se caktuar per mbajtjen e mbledhjes se asamblese se pergjithshme per miratimin e projektmarreveshjes se bashkimit, ky dokumentacion u vihet ne dispozicion ortakeve apo aksionareve, pa pagese, per t'u pare, shkarkuar apo per te marre kopje ne forme shkresore ne faqen e internetit te shoqerise. Per cdo nderprerje te perkohshme te mundesise per te hyre ne faqen e internetit te shoqerise, per arsye teknike apo arsye te tjera, afati njemujor i publikimit nderpritet dhe rinis nga e para ne momentin kur faqja e internetit te shoqerise behet serish e arritshme."

Neni 38

Neni 225 ndryshohet si me poshte:

"Neni 225

Bashkimi me perthithje ne raste te veganta

1. Nese shoqeria perthithese zoteron mbi 90 per qind ose te gjitha kapitalin e shoqerise aksionare qe do te perthithet, atehere bashkimi me perthithje ndermjet ketyre shoqerive mund te kryhet pa miratimin e asamblese se pergjithshme te shoqerise perthithese, nese:

a) publikimet, sipas pikes 3, te nenit 216, jane kryer ne lidhje me shoqerine perthithese, te paken nje muaj perpara dates se caktuar per mbledhjen e asamblese se pergjithshme te saj apo te shoqerive te tjera, objekt te perthithjes, qe do te miratojne projektmarreveshjen e bashkimit; dhe

b) te paken nje muaj perpara dates se caktuar sipas shkronjes "a", te pikes 1, te ketij neni, te gjitha aksionaret apo ortakët e shoqerise perthithese kane te drejte te njihen me dokumentacionin, ne perputhje me nenet 216 dhe 217, ne seline e regjistruar te shoqerise perthithese. Parashikimet e pikave 3 dhe 4, te nenit 218, jane te zbatueshme edhe ne kete rast; dhe

c) aksionaret ose ortakët e shoqerise perthithese, qe zoterojne te pakten 5 per qind te kapitalit te saj apo te numrit te pergjithshem te votave, nuk kerkojne thirrjen e asamblese se pergjithshme te shoqerise perthithese per miratimin e bashkimit.

2. Nese te gjitha aksionet e shoqerise, qe do te perthithet, qe japin te drejta vote ne asamblene e pergjithshme, zoterohen nga shoqeria perthithese, atehere kerkesat, sipas parashikimeve te neneve 216, pika 1, shkronjat "b", "c" dhe "c", dhe 2, 217, 218, pikat 3 dhe 4, 220, pika 3, shkronja "b", te ketij ligji, nuk zbatohen.

3. Nese shoqeria perthithese zoteron te pakten 90 per qind, por jo te gjitha kapitalin e shoqerise aksionare qe do te perthithet, atehere bashkimi ndermjet ketyre shoqerive mund te kryhet pa miratimin e asamblese se pergjithshme te shoqerise perthithese dhe kerkesat, sipas parashikimeve te neneve 216, pika 2, 217 dhe 218, pikat 3 dhe 4, nuk zbatohen, nese aksionaret e pakices se shoqerise qe perthithet kane te drejten t'ia shesin aksionet e tyre me vlere tregu shoqerise perthithese. Ne rast mosmarreveshjeje, ne lidhje me percaktimin e kesaj vlere, aksionaret e pakices se shoqerise qe perthithet kane te drejte te kerkojne qe vlere e tregut per shitjen e aksioneve te tyre te percaktohet nga gjykata."

Neni 39

Nenet 230 dhe 231 shfuqizohen.

Neni 40

Dispozita te fundit dhe kalimtare

1. Pas dates se hyrjes ne fuqi te ketij ligji, asnje shoqeri tregtare nuk mund te prishet per shkak te mospermbushjes perpara kesaj date te kerkesave te nenit 230, te ligjit nr. 9901, date 14.4.2008, "Per tregtaret dhe shoqerite tregtare", te ndryshuar.

2. Shoqerite tregtare te regjistruara ne regjistrin tregtar perpara dates 20.5.2008, te cilat ne daten hyrjes ne fuqi te ketij ligji ende nuk kane adaptuar statutin e tyre me parashikimet e ligjit nr. 9901, date 14.4.2008, "Per tregtaret dhe shoqerite tregtare", te ndryshuar, jane te detyruara qe jo me vone se 3 muaj pas dates se hyrjes ne fuqi te ketij ligji:

a) te miratojne ndryshimet e nevojshme ne statutin e tyre per ta perputhur ate me kerkesat e ligjit nr. 9901, date 14.4.2008, "Per tregtaret dhe shoqerite tregtare", te ndryshuar; Faqe | 8266

b) t'i regjistrojne keto ndryshime te statutit prane Qendres Kombetare te Regjistrimit, sipas ligjit nr. 9723, date 3.5.2007, "Per Qendren Kombetare te Regjistrimit", te ndryshuar.

3. Mospermbushja e detyrimeve, sipas pikes 2, te ketij neni, perben kundervajtje administrative dhe denohet me gjobe 30 000 leke. Gjoba aplikohet dhe vilet sipas percaktimeve te ligjit nr. 9723, date 3.5.2007, "Per Qendren Kombetare te Regjistrimit", te ndryshuar. Qendra Kombetare e Regjistrimit nderpret sherbimin per keto shoqeri deri ne kryerjen e veprimeve, sipas percaktimit te shkronjave "a" ose "b", te pikes 2, te ketij neni, dhe ne pagesen e plote te gjobes.

4. Afati 3-mujor, i permendur ne piken 2, eshte afat per zbatimin e detyrimeve te regjistrimit sipas pikes 2, te ketij neni, dhe, ne asnje rast, nuk mund te perdoret si justifikim per moszbatimin e plote te dispozitave ne fuqi te

ligjit nr. 9901, date 14.4.2008, "Per tregtaret dhe shoqerite tregtare", te ndryshuar.

5. Qendra Kombetare e Regjistrimit ngarkohet te nise dhe te vazhdoje deri ne perfundimin e afatit te percaktuar ne piken 2, te ketij neni, fushata informuese per publikun ne faqen e saj ne internet, si dhe ne ambientet e sporteleve te saj ne qender dhe ne sportelet e tjera te saj te sherbimit per detyrimet, sipas ketij neni.

Neni 41
Hyrja ne fuqi

Ky ligj hyn ne fuqi 15 dite pas botimit ne Fletoren Zyrtare.

Miraturar ne daten 2.10.2014

Shpallur me dekretin nr. 8747, date 17.10.2014 te Presidentit te Republikes se Shqiperis

